

Du bisch tschuld

Text und Musik:
Jacob Stückelberger

Musical score for 'Du bisch tschuld' in G major (one sharp) and 4/4 time. The score consists of six staves of music with lyrics underneath. Chords are indicated above the notes: E, E, B7, E, E, E, A, E, B7, E, F#, B7, E, E7, A, F#m, B7, E, F#7, B7, E, E, B7, E.

Du bisch tschuld du bisch tschuld nu - me du bisch tschuld Mym
 Na - tel het e Tasch - te gfählt dsVie - ri isch ver - schwun - de i
 ha statt - des - se dsFü - fi gwählt und scho heisst: falsch ver - bun - de redtsch
 nid mit mir wäg ei - re Zahl dass Zy - te de - so - lat si das
 gsch - ni jitz wena nid e - mal fü - fi chasch la grad si
 du bisch tschuld du bisch tschuld nu - me du bisch tschuld

nach letzter Strophe die letzten beiden Zeilen

Musical score for the final two lines of the song, starting at measure 24. Chords are indicated above the notes: E, E, B7, F#, B7, E.

säl - ber tschuld säl - ber tschuld du bisch säl ber tschuld

April 2002

Du bisch tschuld

April 2002

Du bisch tschuld du bisch tschuld
nume du bisch tschuld

1. Mym Natel het e Taschte gfählt
ds Vieri isch verschwunde
i ha statt desse ds Füfi gwählt
und scho heisst: falsch verbunde
redtsch nid mit mir wäg eire Zahl
dass Zyte desolat sy
das gsehni jitz wenn nid emal
füfi chasch la grad sy

du bisch tschuld du bisch tschuld
nume du bisch tschuld

2. Kes Wunder drum das sit're Stund
ir Chelti uf mi wartisch
drwäge hesch no lang ke Grund
z'Schimpfe das en Art isch
da freu i mi uf ds Rendez-Vous
seckle tue mi spute
wär macht e suuri Bire? – du
wäge paar Minute

du bisch tschuld du bisch tschuld
nume du bisch tschuld

3. Us Teubi hani drum uf ds Mal
e ganzi Fläsche gsoffe
usgrächnet jitz bisch mir frontal
diräkt y ds Outo gloffe -
meinsch dänk no geng chönsch Sicherheit
im Migros-Märit choufe
jitz bisch halt under d'Reder gheit
statt luege lose loufe

du bisch tschuld du bisch tschuld
nume du bisch tschuld

4. Bis froh isch d'Sanität scho da
doch d'Buess wirsch zale müesse
wär im Verkehr nid luege cha
mues me strikte büesse -
di Buess die gälti mir, hesch gseit,
wil i bi bsoffe gfare? -
d'Justiz het wider mal verseit
da si mir üs im klare

du bisch tschuld du bisch tschuld
nume du bisch tschuld

5. Me gseit i han es Chrüz mit dir
immer nume Stämpe-
neie – du bereitich mir
Lämpe nüt als Lämpe
typisch isch dy Abschidsbrief
wellsch nüt meh vo mir wüsse
has immer gseit: mit dir chunnts schief -
i mach mer non es Gwüsse

sälber tschuld sälber tschuld
du bisch sälber tschuld